

摛藻堂四庫全書薈要

集部

欽定四庫全書  
唐詩卷一萬八千二十三

集部

御定全唐詩卷六百十八

陸龜蒙

一

讀陰符經寄鹿門子

清晨整冠坐朗詠三百言備識天地意獻詞犯乾坤何事不隱德降靈生軒轅口銜造化斧鑿破機闡門五賊忽迸逸萬物爭崩奔虛施神仙要莫救華池源但學戰勝術相高甲兵屯龍蛇競起陸鬪血浮中原成湯與周

武反覆更為尊下及秦漢得

一作贖

兵亦煩姦強自

林據仁弱無枝蹲狂喉恣吞噬逆翼爭飛翻家家伺天

發不啻匡滛昏生民墜塗炭比屋為冤魂祇為讀此書

大樸難久存微臣與軒轅亦是萬世孫未能窮意義豈

敢求瑕痕曾亦愛兩句可與賢達論生者死之根死者

生之根方寸了十字萬化皆胚暉身外更何事眼前徒

自喧黃河但東注不見歸崑崙晝短苦夜永勸君傾一

尊

奉和襲美初夏遊楞伽精舍次韻

吳都涵汀洲碧液浸郡郭微雨蕩春醉上下一清廓奇  
蹤欲探討靈物先療瘼飄然蘭葉舟旋倚煙霞泊吟譚  
亂葛艤夢寐雜巘崿纖情不可逃洪筆難暫閣豈知楞  
伽會一作舍乃在山水箔金仙著書日世界名極樂薺  
冠諸香琉璃代華臺禽言經不輟象口川寧涸萬善峻  
為城巉巉扞羣惡清晨欲登造安得無自愕險穴駭坤  
牢高蘿桂天笮一作索池容澹相向蛟怪如可摸苔敝石

髓根蒲差水心鍔嵐侵荅

一作達

摩髻日照狻猊絡仰首

乍眩旋迴眸更暉燭簷端凝

去聲

飛羽磴外浮碧落到迴

一作迫解風襟臨幽澗雲屬塵機性非便靜境心所著自

取海鷗知何煩尸祝醉峯圍震澤岸翠浪舞綃幕漱灔

豈堯遭嶮崿非禹鑿潛聽鐘梵處別有松桂壑靄重燈

不光泉寒網猶薄僅能躡孤刹鳥憒親搢鐸服道身可

遺乞閒心已諾人間亦何事萬態相毒蟲戰壘競高深

儒衣謾褒博宣尼名位達未必春秋作管氏包霸圖須

人解其縛伊余採樵者蓬瞿方索寘近得風雅情聊將  
聖賢度多君富道采識度兩清恪詎寵生滅詞冒教夷  
夏錯未為堯舜用且向煙霞託我亦擺塵埃他年附鴻

鶴

奉和襲美公齋四詠次韻

小松

擢秀通客巖遺根飛鳥逕因求飾清閟遂得辭危賞貞  
同柏有心立若珠無脛枝形短未怪鬢數差難定名山記云

松有兩鬢三鬢七鬢者言如馬亂形也言粒者非

況密三天風方導四時柄那

興培瓊歎免荅鄰里病微霜靜可分片月疎堪映奇當虎頭筆韻叶透明性會拂陽烏胸掄才膺帝命

小桂

諷賦輕八植擅名方一枝才高不滿意更自寒山移宛宛別雲態蒼蒼出塵姿煙歸助華杪雪點迎芳蕤青條坐可結白日如奔螭諒無鬪鶯音剪憂即是蕭森時洛浦雖有蔭騷人聊自怡終為濟川穢豈在論高卑

新竹

別鳩破苔蘚嚴城樹軒楹恭聞稟璇璣化質離青冥

璇玉精受氣於玄軒之宿色可定雞頭實堪招鳳翎立窺五嶺秀坐

對三都屏晴月窈窕入曙煙霏微生昔者尚借宅況來處賓庭金罍縱傾倒碧露還鮮醒若非抱苦節何以偶惟馨徐觀輝龍出更賦錦苞零

鶴屏

時人重花屏獨即胎化狀叢毛練分彩疎節筠相望

八公

相鶴經云大毛落叢毛生其色曾無斃斃態頗得連軒  
如雪又云高腳疎節則多跛也

樣勢擬搶高尋身猶在凶丈如憂雞鴉鬪似憶煙霞向  
塵世任縱橫霜襟自閒放空資明遠思不待浮丘相何  
由振玉衣一舉棲瀛闕

奉和襲美酬前進士崔潞盛製見寄因贈至一

百四十言

孔聖鑄顏事垂之千載餘其間王道乖化作荆榛墟天  
必授賢哲為時攻翦除軻雄骨已朽百代徒趨趨近者

韓文公首為閒一作開闢鋤夫子又繼起陰靈終廓如搜

得萬古遺裁成十編書南山盛雲雨東序堆瓊琚偶此

真籍客悠揚兩情撫清詞忽窈窕雅韻何虛徐唱既野

芳坼酬還天籟疎輕波掠翡翠曉露披芙蓉儼曲信寡

和末流難嗣初空持一竿餌有意敵鯨魚

奉和襲美太湖詩二十首

初入太湖

東南具區雄天水合為一高帆大弓滿羿射爭箭疾時

當暑雨後氣象仍鬱密乍如開雕笯

音奴  
龍也

聳翅忽飛出

行將十洲近坐覺八極溢耳目駭鴻濛精神寒佶栗坑

來斗呀豁湧處驚峩峩異

一作險若拔龍湫喧如破蛟室

斯須風妥帖若受命平秩微茫識端倪遠嶠疑

格音筆閣

巉巉見銅闕

湖中穹崇山有銅闕

左右皆輔弼盤空儼相趨去勢

猶橫逸嘗聞咸池氣下注作清質至今涵赤霄尚且浴

白日

太海上稟咸池五車之氣故一水五名也

又云構浮玉宛與崑崙匹肅

為靈官家此事難致詰

太湖乃仙家浮玉之北堂

纔迎沙嶼好指顧

俄已失山川互散虧魚鳥空聲

語鹿切魚乙

何當授真

檢得名天吳術一一問朝宗方應可譚悉

曉次神景宮

曉帆逗琦岸高步入神景灑灑襟袖清如臨藥珠屏雖然羣動息此地常寂靜翠鱗有寒鏘碧花無定影憑軒羽人傲夾戶天獸猛稽首朝元君褰衣就虛省呀空雪牙利漱水石齒冷香母未垂嬰芝田不論頃遙通河漢口近撫松桂頂飯薦七白蔬杯釅九光杳人間附塵躅

固陋真鉗頸宵信抒釐傾猶疑夏蟲永夜津蕩瓊龍紫  
汞啼金鼎盡出冰霜書期君一披省

入林屋洞

知名十小天林屋當第九

人間三十六洞天知名者十  
爾餘二十六天出九微志未

行於題之為左神理之以天后

林屋洞為左神幽居之  
天即天后真君之便闕

魁堆

一作呈

辟邪輩左右專備守自非方瞳人不敢窺洞

口唯君好奇士復嘯忘情友致

一作歛

傘在風林低冠入

雲寶中深劇苦并傍坎纜藥臼石角忽支頤藤根時束

肘初為大幽怖漸見微明誘此若造靈封森如達仙數  
嘗聞白芝秀狀與琅花偶又坐紫泉光甘如酌天酒白

紫泉皆此洞所出乃神仙之飲餌非常人所能得

何人能挹嚼餌以代漿糗却

笑探五符徒勞步雙斗真君不可見焚盤空遲久眷戀  
玉碣文行行但迴首

雨中遊包山精舍

包山信神仙主者上真職及棲鐘梵侶又是清涼域乃  
知煙霞地絕俗無不得巖開一逕分柏擁深殿黑僧閒

若圖畫像古非雕刻海客施明珠湘綃料平聲淨食有魚

皆玉尾有鳥盡金臆手攜鞬鐸

唐言楊枝  
伎一作供

若在中印

國千峰殘雨過萬籟清且極此時空寂心可以遺智識

知君戰未勝尚倚功名力却下聽經徒

生公有

聽經石孤帆有

行色

毛公壇

古有韓終道授之劉先生身如碧鳳皇羽翼披輕輕先生盛驅役臣伏甲與丁勢可倒五嶽不唯鞭羣靈飄颻

駕翔螭白日朝太清空遺古壇在稠疊煙蘿屏遠懷步  
罡夕列宿森然明四角鎮露獸三層差羽嬰廻眸盼七  
炁運足馳踈星象外真既感區中道俄成邇來向千祀  
雲嶠空崢嶸石上橘花落石根瑤草青時時白鹿下此  
外無人行我訪岑寂境自言齋戒精如今君安死字君安

魂魄猶羶腥有笈皆綠字有芝皆紫莖相將望瀛島浩

蕩凌滄溟

三宿神景宮

靈蹤未徧尋不覺谿色暝迴頭問棲所稍下杉蘿逕巖  
居更幽絕澗戶相隱映過此即神宮虛堂愜雲性四軒  
盡疎達一榻何清零去聲髮鬚聞玉笙鼓鏗動涼磬風凝  
古松鬢露壓脩荷柄萬籟既無聲澄明但心聽希微辨  
真語若授虛皇命尺宅按來平華池漱餘淨頻窺宿羽  
麗三吸晨霞盛豈獨冷衣襟便堪遺造請徒深一作物  
探

外趣未脫塵中病舉首

一作手

謝靈峰徜徉事歸榜

以毛公泉獻大諫清河公

先生鍊飛精羽化成翩翻荒壇與古甃隱軫清冷存四  
面廬山骨中心含月魂除非紫水脉即是金沙源香實  
灑桂藥甘惟瀆雲根向來探幽人酌罷祛蒙昏況公珪  
璋質近處諫諍垣又聞虛靜姿早挂冰雪痕君對瑤華  
味重獻蘭薰言當應滌煩暑朗詠翬飛軒我願得一掬  
攀天叫重闔霏霏散為雨用以移焦原

縹渺峰

左右皆跳岑孤峰挺然起因思縹渺稱乃在虛無裏清

晨躋磴道便是辱顏一作頑始據石即更歌遇泉還徙倚

花奇忽如薦樹曲渾成几樂靜煙靄知忘機緩狹喜頻

攀峻過斗末造平如砥舉首闊青冥迴眸聊下眎高帆

大於鳥廣蟬纔類蟻就此微茫中爭先未嘗已葛洪話

剛氣去地四千一作十里苟能乘之遊止若道路耳吾將

自峰頂便可朝帝宸盡欲活羣生不惟私一已超騎明

月蜍復弄華星藥却下蓬萊巔重窺清淺水身爲大塊

客自號天隨子他日向華陽敲雲問名氏

桃花塢

行行問絕境貴與名相親空經桃花塢不見秦時人願此為東風吹起枝上春願此作流水潛浮藥中塵願此為好鳥得棲花際鄰願此作幽蝶得隨花下賓朝為照花日暮作涵花津試為探花士作此一作出偷桃臣桃源不我棄庶可全天真

明月灣

昔聞明月觀

在建業故臺城

祇傷荒野基今逢明月灣不值三

五時擇此二明月洞庭看最奇連山忽中斷遠樹分毫  
釐周迴二十里一片澄風漪見說秋半夜淨無雲物欺  
兼之星斗藏獨有神仙期初聞鏘鏗跳一作銚 積漸調參  
差空中卓羽衛波上停龍螭蹤一作縱 舞玉煙節高歌碧  
霜詞清光悄不動萬象寒咿咿此會非俗致無由得旁  
窺但當乘扁舟酒甕仍相隨或徹三弄笛或成數聯詩  
自然瑩心骨何用神仙為

練瀆一云吳王  
開以練兵

越恃君子衆大將壓全吳

越有私卒君子六千人

吳將派天澤以

練舟師徒一鏡止千里支流忽然迂蒼巒東洪波坐似  
馮夷驅戰艦百萬輩浮宮三十餘平川盛丁寧絕島分  
儲胥鳳押半鶴膝錦杠雜肥胡香煙與殺氣浩浩隨風  
驅彈射盡高鳥杯觥醉潛魚山靈恐見鞭水府愁為墟  
兵利德日削反為讎國屠至今鉤鏃殘尚與泥沙俱照  
此月倍苦來茲煙亦孤丁魂尚有淚合灑青楓枯

投龍潭

名山潭洞中自古多祕邃君將接神物聊用申祀事鎔  
金象牙角尺木無不備亦既奉真官因之徇前志持來  
展明誥敬以投嘉瑞鱗光煥水容目色燒山翠吾皇病  
秦漢豈獨探幽異所貴風雨時民皆受其賜良田為巨  
浸汚澤成赤地掌職一不行精靈又何寄唯貪血食飽  
但據驪珠睡何必費黃金年年授星使

孤園寺

浮屠從西來事者極梁武巖幽與水曲結構無遺土窮

山林幹盡竭海珠璣聚況即侍從臣敢愛煙波塢幡條  
玉龍扣殿角金虬舞釋子厭樓臺生人露風雨今來四  
百載像設藏雲浦輕鴻亂馴鷗鳴鐘和朝觴庭蕉裂旗  
旆野蔓差纓組石上解空人窗前聽經虎林虛葉如織  
水淨沙堪數徧問得中天歸脩釋迦譜

上真觀

嘗聞昇三清真有上中下官居乘佩服一一自相亞霄  
裙或霞粲侍女忽玉婉坐進金碧腴去馳飈歛駕今來

上真觀恍若心靈訏祇恐暫神遊又疑新羽化風餘撼  
朱草雲破生瑤榭望極覺波平行虛信煙籍間開飛龜  
帙靜倚宿鳳架俗狀既能遺塵冠聊以卸人間方大火  
此境無朱夏松蓋蔭日車泉紳垂天鏞窮幽不知倦復  
息芝園舍鏘珮引涼姿焚香禮遙夜無情走聲利有志  
依閒暇何處好迎僧希將石樓借

銷夏灣

霞島焰難泊雲峰奇未收蕭條千里灣獨自清如秋古

岸過新雨高蘿陰橫流遙風吹蒹葭折處鳴颶颶昔予

守圭竇過於回祿因日為蘧箾徒

渠曲二音  
簾之異名

分作祇裯

誰低刁二音

單衣

願狎寒水怪不封朱轂候豈知煙浪涯坐

可思重裘健若數尺鯉泛然雙白鷗不識號火井孰問

名焦丘我真魚鳥家盡室營扁舟遺名復避世消夏還

消憂

包山祠

靜境林麓好古祠煙靄濃自非通靈才敢陟羣仙峰百

里波浪沓中堂簫鼓重真君具瓊舉髮來相從清露灌巢鳥陰雲生晝一作畫龍風飄橘柚香日動旛蓋容將命禮且潔所祈年不凶終當以疏聞特用諸侯封

聖姑廟

渺渺洞庭水盈盈芳嶼神因知古佳麗不獨湘夫人流蘇蕩遙吹斜領生輕塵蜀彩駿霞碎吳綃盤霧勻可憐飛燕姿合是乘鸞賓坐想煙雨夕兼知之一作花草春空登油壁車窈窕誰相親好贈玉條脫堪攜紫綸中殷勤

撥香池重薦汀洲蘋明朝動蘭楫不翅星河津

太湖石

他山豈無石厥狀皆可薦端然遇良工坐使天質變或  
裁基棟宇礮砲成廣殿或剖出溫瑜精光具華瑱或將  
破仇敵百礮資苦戰或用鏡功名萬古如會面今之洞  
庭者一以非此選槎牙真不材反作天下彥所奇者嵌  
崆所尚者蕙蒨旁穿參洞穴內竅均環釗刻削九琳窗  
玲瓏五明扇新雕碧霞段旋破秋天片無力置池塘臨

風只流眄

崦裏

山橫路若絕轉檝達平川川中水木幽高下兼良田溝  
塍墮微溜桑柘含疎煙處處倚蠶箔家家下魚筌駿犢  
卧新茲野禽爭折蓮試招搔首翁共語殘陽邊今來九  
州內未得皆恬然賊陣始吉語狂波又凶年吾翁欲何  
道守此常安眠笑我掉頭去蘆中聞刺船余知隱地術  
可以齊真仙終當從之遊庶復全於天

石板

一片倒山屏何時隱洞門屹然空澗中萬古波濤痕我  
意上帝命持來壓泉源恐為庚辰官囚怪力所掀又疑  
廣袤次零落潛驚奔不然遭霹靂強半沈無垠如何造  
化首便截秋雲根往事不足問奇蹤安可論吾今病煩  
暑據簟常昏昏欲從石公乞石板在石瑩前山理平如瑞前  
後植桂檜東西置琴尊盡攜天壤徒浩唱羲皇言

御定全唐詩卷六百十八

欽定四庫全書  
唐詩卷一萬八千二十四集部

御定全唐詩卷六百十九

陸龜蒙

雜諷九首

紅蠶緣枯桑青繭大如甕人爭捩其臂羿矢亦不中微  
微待賢祿一一希入夢縱操上古言口噤難即貢蛟龍  
在怒水拔取牙角弄丹穴如可遊家家畜狐鳳凶門尚  
兒戲戰血波湧一作鴻溶社鬼苟有靈誰能遏秋慟

童麋來觸犀德力不相及伊無愜心事祇有碎首泣況  
將鵬蟲校數又百與十攻如餓鴟叫勢若脫兔急斯為  
朽關鍵怒擊抉以入年來橫干戈未見拔城邑得非佐  
饔者齒齒待啜汁羈維豪傑輩四駭方少繁此皆乘時  
利縱舍在呼吸吾欲斧其吭無雷動幽蟬

鶻鵠慘於冰陸立懷所適斯人道仍闕

一作閼

不得不鳴

呃當時布衣士亦作天子客至今東方生滿口自誇白  
終為萬乘交談笑無所隔致君非有書乃是堯舜畫祇

今侯門峻日掃貧賤迹朝趨九韶音暮列五鼎食如聞

恭儉語謇謇事夕惕可拍伊牧肩功名被金石

赤舌一作石

可燒城讒邪易為伍詩人疾一作病

之甚取俾

投豺虎長風吹窓木始有音韻吐無木亦無風笙簧由

喜怒女媧鍊五石天缺猶可補當其利口銜罅漏不復

數元精遺萬類雙目如牖戶非是既相參重瞳亦為瞽

東南有狂兕獵者西北矢利塵白一作日

冥冥獨此清夜

止無人語其事偶坐窺天紀安得東壁明洪洪用墳史

搜揚好古士一以聲雲水流堪灑菁英風足去稗秕如  
能出奇計坐可平賊壘徐陳義皇道高駕太平軌攫疏  
成特雄濯垢為具美貢賢當上賞景福視所履永播南  
薰音垂之萬年耳

有蘖何青青空城雪霜裏千林盡枯槁苦節獨不死他  
遭匠石顧總入犧黃美遂得保天年私心未為耻高從

徒一作宿景怪下亦容螻蟻大廈若掄材亭亭託君子

左右佩劍者彼此亦相笑趨時與閉門喧寂不同調潛

機取聲利自許臻乎妙志士以神窺慚然一作寂真可弔

天之發遐籟大小隨萬竅魁其鑪冶姿形質惟所召鼗

笙磬竽瑟是必一作以登清廟伊聖不可一作吾欺誰能守

蓬翟

橫笛喝一作鳴秋風清商入疏越君居不夜城宵怨孤戍

月吳兵甚犀利太白光突兀日已費千金屢聞侵一撥

一作發豈無惡年少縱酒遊俠窟慕為敢死軍一作士去以

梟叛卒豈無中林士貫穿學問骨兵法五十家浩蕩如

溟渤高懸鹿皮睡清澗

一作潤

時依樾分已諾煙霞全遺

事干謁既非格猛獸未可輕華髮北面師其謀幾能止

征伐何妨秦董勇又有曹刷說堯舜尚詢芻

一作事

公乎

聽無忽

朝為壯士歌暮為壯士歌壯士心獨苦傍人謂之何古  
鐵久不快倚天無處磨將來易水上猶足生寒波捷可  
搏飛狹健能超羣馳羣兒被堅利索手安馮河驚飈掃  
長林直木謝櫛科嚴霜凍大澤僵龍不如蛇昔者天血

毛吾徒安歎嗟

美人

美人抱瑤瑟哀怨彈別鶴雌雄南北飛一旦異棲託諒  
非金石性安得宛如昨生為竝蒂花亦有先後落秋林  
對斜日光景自相薄猶欲悟君心朝朝佩蘭若

感事

將軍被鮫函紙畏金石鏃豈知讒箭利一中成赤族古  
來信黃舌巧韻淒鏘曲君聞悅耳音盡日聽不足初因

起毫髮漸可離骨肉所以賢達

一作達賢心求人須任目

素絲

園客麗獨繭詩人吟五綬如何墨子淚反以悲途窮我  
意豈如是願參天地功為綫補君袞為絃繫君桐左右  
脩闕職官商還古風端然潔白心可與神明通

次幽獨君韻

二首

靈氣獨不死尚能成綺文如何孤窓裏猶自讀三墳  
落日送萬古秋聲含七哀枯株不蕭瑟枝幹虛雀嵬伊

昔臨大道歌鐘醉高臺臺今已平地一作高臺  
今已平祇有春風迴明月白草死積陰荒隴摧聖賢亦如此慟絕真悠哉

贈遠

芙蓉匣中鏡欲照心還嬾本是細腰人別來羅帶緩從君出門後不奏雲和管妾思冷如黃時時望君暖心期夢中見路永魂夢短怨坐一作生泣西風秋窓月華滿

村夜二篇

江上冬日短裘回草堂暝鴻當絕塞來客向孤村病縵  
縵起歸念咽咽興微微咏菊逕月方高橘齋霜已併盤飧  
蔬粟粗史籍叢牌盛目冷松桂寒一作耳喧兒女競開  
間瓶浮蟾綠試筆秋毫勁畫戶亦重關寒屏遞相映詩從  
騷雅得字向鉛槧一作黃正遇敵舞蛇矛逢談捉犀柄無  
名升甲乙有志扶荀孟守道希昔賢為文人一作通古聖  
幽憂廢一作拂長劖顚額慚清鏡祇會魚鳥情詎知時俗  
性浮虛多徇勢老一作疎嬾圖一作徒歷聘既不務人知空

餘樂天命吾家

一作如何

在田野家事苦遼費耕稼一以微

困倉自然罄愁襟風葉亂獨坐燈花

一作然

燈明發成浩

歌誰能少傾聽

世既賤文章歸來事耕稼伊人著農道

亢倉子有農道篇

我亦

賦田舍所悲勞者苦敢用詞為詫祇効芻牧言誰防輕

薄罵嘻今居寵祿各自矜雄霸堂上考華鐘門前狩高

駕纖洪動絲竹水陸供鱠炙小雨靜樓臺微風動蘭麝

一作送吹噓川可倒昞昧花爭奩

一作

萬戶膏血

一作雨

檀麝

窮一達歌舞價安一作寧知勤播植卒歲無閒暇種以春

鴈初獲從秋隼下

一作鴈乍

專專望種稑捐捐條桑柘日晏

腹未充霜繁體猶裸平生守仁義所疾唯狙詐上誦周

孔書沈溟酒一作

至酣藉豈無致君術堯舜不

一作馳

上下

豈無活國方頗

一作稽

牧齊教化蛟龍任乾死雲雨終不

借羿臂束如囚徒勞誇善射才能銷箕斗辯可移嵩華

若與毗輩量饑寒殆相亞長吟倚清瑟孤憤生遙夜自

古有遺賢吾容偏稱謝

記事

本作漁釣徒心將遂疎放苦為饑寒一作衣食累未得恣閒  
暢去年十二月身住雪溪上病裏賀一作見豐登雞豚聊  
饋餉巍峩下山雪凝冽不可向瘦骨倍加寒徒為厚繒  
纊晴來露青靄干一作萬仞缺尋丈卧恐玉華銷時時推  
枕望雖然營衛困亦覺精神王把筆強題詩粗言壞怪  
狀吳興鄭太守文律頗清壯鳳尾與鯨牙紛披落雜一  
作新唱緘書寄城內塘寃無以況料峭採蓮船縱橫簸天

浪方傾謝公酒

一作詠

忽值莊生

一作喪

鄭員外仁規

偶

默默阻音徽

一作言

是年受代戒

一作臨風但惆悵春歸迨

一作待

秋末固

自嬰微恙歲晏

一作早

弗躬親何由免欺誑

今來觀刈穫

乃在松江並

步浪

門外雨潮過波瀾光蕩漾

都緣新卜

築是事皆草創爾後如有年還應愜微尚天高氣味爽

野迴襟懷曠感物動牢

一作勞

愁憤時頻耽辭平生樂篇

翰至老安敢忘駿骨正牽鹽玄文終覆醬嗟今多赤舌

見善惟敵謗忖度大為防涵容寬作量圖書蓬籟外關

眼皆勝長餓隸亦勝無薄田家所仰稍離饑寒患學古

一作古學

真可強聖道庶經營世途多踉蹌近聞天子詔復

許私醞釀促使春

一作奉

酒材呼兒具盆盞宵長擁吟褐

日晏開書幌我醉卿可還陶然似元亮

狐雁

我生天地間獨作南賓雁哀鳴慕前侶不免飲啄晏雖  
蒙家小雅詠未脫魚一作生網患况一作矧是婚一作禮須一作經憂為弋者暮晴鳶爭上下意氣苦凌慢吾常嚇鴛鴦雖

爾輩安足訛。迴頭語晴鶯。汝食腐鼠憒無異。驚駘羣戀  
短豆阜。機豈知瀟湘岸。葭菼蘋蘋。一作藜。間有石形狀。  
奇寒流古來。灣間看麋鹿。一作志了不憂。一作愛。甫里  
所重巾冠何妨野。夫艸騷人誇蕙芷。易象取陸莧。漆園  
逍遙篇中亦載斥鵩汝。惟材性下嗜好不可諫。身雖慕  
高翔。冀壤是一作長。盼盼或聞通鬼魅。怪祟立可辯。哲族

書尚存。寧容恣妖幻。哲族周禮秋官司寇下。哲族氏掌  
覆天鳥之巢。哲鄭司農讀為摘。又他歷反。族讀為爵。族

謂巢也。天鳥惡鳴鳥。

南涇溪一作漁父

予方任疎慵地僻即所好江流背村落偶往心已繆田  
家相去遠岑寂且縱傲出戶手先筠見人頭未帽南涇  
一作溪

有漁父往往攜稚造問其所以漁對我真蹈道我  
初籍魚鼈童丱至於耄窟穴與生成自然通一作知壺奧

孜孜戒吾屬天物不可暴大小參去留候其孳養報終  
朝獲魚一作漁利魚亦未嘗耗同覆天地中違仁辜覆憲  
余觀為政者此意諒難到民皆死搜求莫肯興一作與愍

悼今年川澤旱前歲山源潦牒訴已盈庭聞之類禽噪  
譬如死一作奏 鷄鷺豈不容乳抱孟子譏宋人非其揠苗

躁吾嘉漁父旨雅叶賢哲操倘遇採詩官斯文誠敢告

引泉詩

睦州龍興觀  
老君院作

上嗣位六載吾宗刺桐川余來拜旌戟詔下之明年是  
時春三月繞郭花蟬聯嵐盤百萬髻上插黃金鉏授以  
道士館置榻於東偏滿院聲碧樹空堂形一作影老仙本

性樂凝淡及來更虛玄焚香禮真像盥手披靈編新定

一作安  
山角角烏龍山獨巉然除非淨晴日一作不見蒼

名曉日

不見蒼

崖

巔

上有

擎

雲

峰

下有

噴

臺

泉

泉分數十派

落處皆崢

嶸寒聲入爛醉聒破西窗眠

支筇起獨尋祇在牆東邊

呼童具畚鍤立鑿莓苔穿瀼瀼

一作漂

一派墮練帶橫斜

牽亂石拋落落寒流響濺濺狂奴

一作怒

七里瀨縮到疎

楹前跳花光一作潑半散湧沫飛旋圓勢束三峽挂瀉危

孤磴懸曾聞瑤池溜亦灌朱草田亮伯弄翠藥鸞雛舞

丹煙凌風捩桂柂隔霧一作馳犀船况當玄元家嘗著霞

御定全唐詩

道德篇上善可比水斯文參五千精靈若在此宵惡微  
波傳不擬爭滴瀝還應會淪連出門復一作後飛箭合勢

淳青天必有學真子鹿冠秋鶴顏如能輔余志日使疏  
其源

紀夢遊甘露寺

寺在京口北固山上第十四句缺三字

昔卧嵩高雲雲窗正寒夕披裘忽生夢似到空王宅羲  
天一峰立欄楯橫半壁級倚綠巔差闊臨赤霄闢捫虛  
陟孤峭不翅千餘尺疊掌望罘罳分明袒肩釋凌香稽

首罷嘹喨一作嘵

高戶乘一作北風聲號大波白

承

一作北風聲號大波白

光中目難送定驗方可覩樹細鴻濛煙島疎零落碧須  
臾羣籟入空水相噴激積浪亞寒堆呀如鬪危石跳音  
簇鞞鼓濺沫交矛戟鳥疾帆亦奔紛紛助勁敵思非水  
靈怒即是饑龍摩怯憚不敢前荷襟汗霑霖迴經定僧  
處泉木光相射巖磴雲族栖招一作松柯露華適逍遙得  
真趨遷迤尋常跡山腹貯孤亭嵐根四垂帘誰題雪月  
句乃是曹劉格愛樹亭有故太尉房公詩閨闥一枝瓊邊樓數聲笛

吟高叟然起若自蒼旻擲短燭墮餘花圓蟾挂斜魄  
從神錫境無處不登陟忽上南徐山心期豁而獲豈伊  
煩惱骨合到清涼域暗得蝴蝶身幽期一作奇盡相識奈

奇

奈

何有名氏未列金闕籍翻慙牛頂童得奉真如策雲濤  
觸風望毫管和煙搦聊記夢中遊留之問禪客

惜花

人壽期滿百花開唯一春其間風雨至旦夕旋為塵若  
使花解愁愁於看花人

別離

丈夫非無淚不灑離別間杖一作仗劍對尊酒耻為游子  
顏蝮蛇一蟄手壯士即解腕所志在功名離別何足歎

鳴雁行

朔風動地來吹起沙上聲闔中有邊思玉筋此時橫莫  
怕兒女恨主人烹不鳴

短歌行

爪牙在身上閼穿猶可制爪牙在胸中劍戟無所畏人

言畏猛虎誰是掠頭獎祇見古來心姦雄暗相噬

挾瑟

一作琴歌

挾瑟一作琴為君撫君嫌聲太古寥寥倚浪系淙淙沈湘語  
賴有秋風知清冷吹玉柱

婕妤怨

妾貌非傾國君王忽然寵南山掌上來下一作不敵新恩重後宮多窈窕日日學新聲一落君王耳南山又須輕

江南曲

為愛江南春涉江聊采蘋水深煙浩浩空對雙車輪  
車輪明月團車蓋浮雲盤雲月徒自好水中行路難遙遙  
洛陽道夾道生春草寄語櫂船郎莫誇風浪好

御定全唐詩卷六百十九

欽定四庫全書  
薈要卷一萬八千二十五集

集部

御定全唐詩卷六百二十

陸龜蒙

漁具詩

并序

天隨子歟於海山之頽有年矣夫魚之具莫不窮極其趣大丸結繩持綱者總謂之網罟網罟之流曰罘曰罿曰巢側交切圓而縱捨曰罩挾而昇降曰

曰界曰曾曰巢側交  
圓而縱捨曰罩挾而昇降曰  
罔女減緝而竿者總謂之筌筌之流曰筒曰車橫

女減緝而築

女減

川曰染承虛曰笱編而沈之曰簾

畢音

矛而卓之曰

罟

音冊  
予也

棘而中之曰义鏃而綸之曰射扣而駭之

曰桹

以薄板置瓦器上擊之以驅魚

置而守之曰神

鯉魚滿三百六十歲蛟龍

輒率而飛去置一神守之則不能去矣

神龜也列竹於海澨曰滻

吳之滻瀆是也

錯薪於水中曰簃

音

所載之舟曰舴艋所貯之器

曰筌箒其他或銜以招之或藥而盡之皆出於詩

書雜傳及今之聞見可考而驗之不誣也今擇其

任詠者作十五題以諷噫矢魚之具也如此予既

歌之矣夫民之具也如彼誰其嗣之鹿門子有高  
灑之才必為我同作

網

大罟網目繁空江波浪黑沈沈到波底恰共波同色牽  
時萬鬚入已有千鈞力尚悔不橫流恐他人更得

罩

左手揭圓罩輕橈弄舟子不知潛鱗處但去籠煙水時

穿紫屏一作華

松江有

破忽值朱衣起朱衣鮒貴得不貴名敢論

鯈與鯉

昌

有意烹小鮮乘流駐孤櫂雖然煩取舍未肯求津要多  
為蝦蜋誤已分鷁鵠笑寄語龍伯人荒唐不同調

釣筒

短短截筠光悠悠卧江色蓬差櫓相應雨慢煙交織須  
臾中芳餌迅疾如飛翼彼竭我還浮君看不爭得

釣車

溪上持隻輪  
溪邊指茅屋  
閒乘風水便  
敢議朱丹轂  
高多倚衡懼  
下有折軸速  
曷若載逍遙  
歸來卧雲族

魚梁

能編似雲薄  
橫絕清川口  
缺處欲隨波  
波中先置笱  
投身入籠檻  
自古難飛走  
盡日水濱吟  
殷勤謝漁叟

义魚

春溪正含綠  
良夜才參半  
持矛若羽輕  
列燭如星爛  
傷鱗跳密藻  
碎首沈遙岸  
盡族染東流  
傍人作佳翫

射魚

彎弓注碧尋掉尾行涼沚青楓下晚照正在澄明裏抨  
弦斷荷扇濺血殷菱藥若使禽荒聞移之暴煙水

鳴桹

水淺藻荇澀鉤罩無所及鏗如木鐸音勢若金鉦急敲  
之就深處用以資俯拾搜羅爾甚微遁去將何入

漑

吳人今謂之漑

萬植禦洪波森然倒林薄千顱咽雲上過半隨潮落其

間風信肯更值雷聲惡天道亦衰多吾將移海若

稼

吳人今謂之叢

斬木置水中枝條互相蔽寒魚遂家此自以為生計春冰忽融冶盡取無遺裔所託成禍機臨川一凝睇

種魚

鑿池收頽鱗疎疎置雲嶼還同汗漫遊遂以江湖處如非一神守潛被蛟龍主蛟龍若無道跛鼈亦可禦

藥魚

香餌綴金鉤

目一作中懸者幾盈川是毒流細大同時

死不唯空飼犬便可將貽蟻苟負竭澤心其他盡如此

舶艦

蓬櫂兩三事天然相與間朝隨褲子去暮唱菱歌還倚石遲後倡徐橈供遠山君看萬斛載沈溺須臾間

答箇

誰謂箇箇小我謂箇箇大咸魚自足餐寘壁能為害時將刷蘋浪又取懸藤帶不及腰上金何勞問著蔡

奉和龍美添漁具五篇

漁卷

結茅次煙水用以資嘯傲豈謂釣家流忽同禪室號閒  
憑山叟占晚有溪禽嫪華屋莫相非各隨吾所好

釣磯

揀得白雲根秋潮未曾沒坡陁坐鼈背散漫垂龍髮持  
竿從掩霧置酒復待月即此放神情何勞適吳越

蓑衣

山前度微雨不廢小澗漁上有青蓑襖下有新牋一作𦵹

弱笠

朝攜下楓浦晚戴出煙艇冒雪或平簷聽泉時仄項颺  
移靄然色波亂危如影不識九衢塵終年居下洞

背篷

敏手勞試一作江筠隨身織煙縠沙禽固不知釣伴猶初

覺閒從翠微拂靜唱滄浪濯見說萬山潭漁童盡能學

樵人十詠

并序

環中先生謂天隨子曰子與鹿門子應和為漁具  
詩信盡其道而美矣世言樵漁者必聯其命稱且  
常為隱君子事詩之言錯薪禮之言負薪傳之言  
積薪史之言東薪非樵者之實乎可不足以寄興  
詠獨缺其詞耶退作十樵以補其闕漏寄鹿門子

樵谿

山高谿且深蒼蒼但羣木抽條欲千尺衆亦疑樸檄一

朝蒙翦伐萬古辭林麓若遇燎玄穹微煙出雲族

樵家

草木黃落時比鄰見相喜門當清澗盡屋在寒雲裏山棚日繞下野竈煙初起所謂順天民唐堯亦如此

樵叟

自小即胼胝至今凋鬢髮所圖山褐厚所愛山鑪熱不知冠蓋好但信煙霞活富貴如疾顛吾從老岩穴

樵子

生自一作蒼崖邊能諳白雲養

山家謂養柴地為養

繞穿遠林去

在

已在孤峰上薪和野花東步帶山詞唱日暮不歸來柴

扉有人望

樵徑

石脉青靄間行行自幽絕方愁山繚繞更值雲遮截爭  
推好林浪共約歸時節不似名利途相期覆車轍

樵斧

淬礪秋水清携持遠山曠丁丁在前澗杳杳無尋處巢

傾鳥猶在樹盡猿方去授鉞者何人吾今一作易其慮

樵擔

輕無斗儲價重則筋力絕欲下半巖時憂樵兩如結風  
高勢還却雪厚疑中折負荷誠獨難移之贈來哲

樵風

朝隨早潮去暮帶殘陽返向背得清飈相追無近遠採  
山一何遲服道常苦蹇仙術信能為年華未將晚

樵火

積雪抱松塢蠶根然草堂深鑪與遠燒此夜仍交光或似坐奇獸或如焚異香堪嗟宦遊子凍死道路傍

樵歌

縱調為野吟徐徐下雲磴因知負樵樂不減援琴興出林方自轉隔水猶相應但取天壤情何求郢人稱

奉和襲美酒中十詠

酒星

萬古醇酌氣結而成晶熒降為嵇阮徒動與尊罍并不

獨祭天廟亦應邀客星何當八月槎載我遊青冥

酒泉

初懸碧崖口漸注青谿腹味既敵中山飲寧拘一斛春  
疑浸花骨暮若酣雲族此地得封侯終身持美祿

酒芻

山齋醞方熟野童編近成持來歡伯內坐使賢人清不  
待蓋中滿旋供花下傾汪汪日可挹未羨黃金瀛

酒牀

六尺様何奇溪邊濯來潔槽深貯方半石重流還咽間  
移秋病可偶聽寒夢缺往往枕眠時自疑陶靖節

酒壚

錦里多佳人當壚自沽酒高低過反坫大小隨圓甌數  
錢紅燭下滌器春江口若得奉君歡十千求一斗

酒樓

百尺江上起東風吹酒香行人落帆上遠樹涵殘陽凝  
睇復凝睇一觴還一觴須知凭欄客不醉難為腸

酒旗

搖搖倚青岸遠蕩遊人思風欹翠竹杠雨澹香醪字纔  
來隔煙見已覺臨江遲大旆非不禁其如有王事

酒尊

黃金即為侈白石又太拙斲得奇樹根中如老蛟穴時  
招山下叟共酌林間月盡醉兩忘言誰能作天舌

酒城

何代驅生靈築之為釀地殊無甲兵守但有糟漿氣雉

堞屹如狂女牆低似醉必若據而爭先登儀狄氏

酒鄉

誰知此中路暗出虛無際廣莫是鄰封華胥為附麗三  
杯聞古樂伯雅達遺裔自爾等榮枯何勞問亥弟

添酒中六詠

并序

鹿門子示予酒中十詠物古而詞麗旨高而性真  
可謂窮天人之際矣予既和而且曰昔人之於酒  
有注為池而飲之者象為龍而吐之者親盜甕間

而卧者將寶舟中而浮者可為四荒矣徐景山有  
酒鎗私叔夜有酒杯皆傳於後代可謂二高矣四  
荒不得不刺二高不得不頌更作六章附於末云

酒池

萬斛輸曲沼千鍾未為多殘霞入醍齋遠岸澄白鄧后  
土亦沈醉姦臣空浩歌邇來荒淫君尚得乘餘波

酒龍

銅雀羽儀麗金龍光彩奇潛傾鄴宮酒忽作商庭稼若

怒鱗甲赤如酣頭角垂君臣坐相滅安用驕奢為

酒甕

候煖麴糵調覆深苦蓋淨溢處每淋漓沈來還濃渥常聞清涼耐可養希夷性盜飲以為名得非君子病

酒船

昔人性何誕欲載無窮酒波上任浮身風來即開口荒唐意難遂沈湎名不朽千古如比肩問君能繼不

酒鎗

景山寶名士所玩垂清塵嘗作酒家語自言中聖人奇  
器質含古挫糟味應醇唯懷魏公子即此飛觴頻

酒杯

叔夜傲天壤不將琴酒疎製為酒中物恐是琴之餘一  
弄廣陵散又裁絕交書頽然擲林下身世俱何如

奉和襲美茶具十詠

茶鳩

茗地曲隈回野行多繚繞向陽就中密背澗差還少遙

盤雲髻慢亂簇香篝小何處好幽期滿巖春露曉

茶人

天賦識靈草自然鍾野姿閒來北山下似與東風期雨  
後探芳去雲間幽路危唯應報春鳥得共斯人知顧渚有

鳥報春

茶筍

所孕和氣深時抽玉茗短輕煙漸結華嫩藥初成管尋  
來青靄曙欲去紅雲煖秀色自難逢傾筐不曾滿

茶簾

金刀劈翠筠織似波文斜製作自野老攜持伴山娃昨日鬪煙粒今朝貯綠華爭歌調笑曲日暮方還家

茶舍

旋取山上材架為山下屋門因水勢斜壁任岩隈曲朝隨鳥俱散暮與雲同宿不憚採掇勞祇憂官未足

茶竈

經云茶竈無寒

無寃抱輕嵐有煙映初旭盈鍋玉泉沸滿甌雲芽熟奇

香襲春桂嫩色凌秋菊煥者若吾徒年年看不足

### 茶焙

左右擣凝膏朝毬布煙縷方圓隨樣拍次第依層取山  
謠縱高下火候還文武見說焙前人時時炙花脯紫花  
焙人  
以花為脯

### 茶鼎

新泉氣味良古鐵形狀醜那堪風雪夜更值煙霞友曾  
過頽石下又住清溪口頽石清溪皆  
江南出茶處且共薦臯盧茶名  
何

勞傾斗酒

茶甌

昔人謝墟塢徒為妍詞飾

劉孝威集有  
謝墟塢啟

豈如珪璧姿又有煙嵐色光參筠席上韻雅金罍側直使于闐君從來

未嘗識

煮茶

間來松間坐看煮松上雪時於浪花裏併下藍英末傾餘精爽健忽似氛埃滅不合別觀書但宜窺玉札

欽定四庫全書

卷六百二十

御定全唐詩卷六百二十

謹案卷六百十七第六頁前八行只垂清白風刊

本清訛青據甫里集改

第七頁後六行藥肆或虛設據甫里集或作成

第十一頁前七行不用黃金錢按甫里集用作在

第十二頁前八行但喜醉還醒刊本喜訛知據甫

里集改

卷六百十九第六頁前四行亢倉子刊本亢訛元

據甫里集改

卷六百二十第一頁後三行擊之以驅魚刊本驅

訛馳據甫里集改



總校官庶吉士臣張能照

校對官檢討臣何思鈞

校對官檢討臣郭寅

謄錄監生臣許祖懷

謄錄監生臣陳熙

欽定四庫全書會要

集部

御定全唐詩卷六百二十一至三

詳校官原任主事臣李斯咏

欽定四庫全書  
欽定全唐詩卷一萬八千二十六

集部

御定全唐詩卷六百二十一

陸龜蒙

置酒行

落塵花片排香痕  
闌珊醉露栖  
愁魂洞庭波色惜不得  
東風領入黃金尊  
千筠擲毫春譜大  
碧舞紅啼相倡和  
安知寂寞西海頭  
青蘁未垂孤鳳餓

江湖散人歌

并傳

散人者散誕之人也心散意散形散神散既無羈  
限為時之怪民束於禮樂者外之曰此散人也散  
人不知恥乃從而稱之人或笑曰彼病子散而目  
之子反以為其號何也散人曰天地大者也在太  
虛中一物耳勞乎覆載勞乎運行差之晷度寒暑  
錯亂望斯須之散其可得耶水土之散皆有用乎  
水之散為雨為露為霜雪水之局為瀦為洳為潢  
汙土之散封之可崇穴之可深生可以葬死可以

入土之局墳不可以為埏甓不可以為孟得非散能通於變化局不能耶退若不散守名之筌進若不散執時之權筌可守耶權可執耶遂為散歌散傳以志其散

江湖散人天骨奇短髮搔一作梳來蓬半垂手提

一作捉孤

篁叟寒繭口誦太古滄浪詞詞云太古萬萬古民性甚

一作怪其野無風期夜棲止與禽獸雜獨自構架

一作架結縱橫

枝因而稱曰有巢氏民共

一作相與

敬貴如君師當時只效

烏鵲輩豈是有意陳尊卑無端後聖穿鑿破一派前導  
千流隨多方惱亂元氣死日使文字一作父子生姦欺聖人

事業轉銷耗尚有漁者存熙熙風波不獨困一作因一士

凡百器具一作用皆能施眾疎滯腐鱸脫一作肥一作

失一作上檢馭無一作非譏疵人間所謂好男子我見婦女

留鬚着奴顏婢膝真乞丐反以正直為狂癡所以頭欲

散不敢并一作冠峩巍所以腰欲散不敢珮陸離行散任

之適坐散從傾欹語散空谷應笑散春雲一作容披衣散

單複便食散酸鹹宜書散渾真草酒散甘醇醻屋散勢  
斜直樹散行參差客散忘簪屨禽散虛籠池物外一作外物

一以散中心散何疑不共諸侯分邑里不與天子專隍

陴靜則守桑柘亂則逃妻兒金鑣一作鏡

一作貝紳一作帶未嘗

識白刃殺一作投我窮生為或聞蕃將負恩澤號令鐵馬

如風馳大君年小丞相少當軸自請都一作諸

旌旗神鋒

悉出羽林仗續畫日月蟠龍螭太宗基業甚牢固小醜

背叛當殲夷禁軍近自肅宗置

一作署

抑遏輔國爭雄雌

必然大段剪兇逆須召勁勇持一作扶軍麾四方賊壘猶

占地死者暴骨生寒饑歸來輒擬荷鋤笠詎吏已責租

錢遲興師十萬一日費不啻千金何以支祇今利口且

箕歛何暇俛首哀憇嫠均荒補敗豈無術布在方冊撐

頽牕冰霜襦袴易反掌白面諸郎殊不知江湖散人悲

古道悠悠幸寄義皇倣官家一作吾皇未議活蒼生拜賜江

湖散人號

五歌 并序

古者歌詠言詩云我歌且謠傳曰勞者願歌其事  
吾言之拙艱不足稱詠且謠而歌其事者非吾而  
誰作五歌以自釋意

放牛

江草秋窮似秋半十角吳牛放江岸鄰肩抵尾乍依隈  
一作  
隈橫去斜奔忽分散荒陂斷漸無端入背上時時孤

鳥立日暮相將帶雨歸田家煙火微茫濕

水鳥

水鳥山禽雖異名天工各與雙翅翎離巢吞啄即一例游處高卑殊不停則一作別有觜鉞爪戟勁立直眎者擊搏挽裂圖羶腥如此等色恣豪橫聳身往往凌青冥為

人羅絆取材力韋韁綵綬一作緞懸金鈴三驅不以鳥捕

鳥天下先得聞諸經超然可繼義勇後恰似有志一作意

行天刑鷗閒鶴散兩自遂意思不受人丁寧今朝櫂倚

寒江汀春一作鷓鉏翡翠參鷄鵠孤翹側睨瞥滅沒未是

即冒馴簷楹婦女衣襟便唼舌始得金籠日提挈精神

卓犖

一作禦

背人飛冷

一作合

抱薰葭宿煙月我與時情太

乖刺祇是江禽有毛髮慙慇謝汝莫相猜歸來長短同

羣活

刈穫

自春徂秋天弗雨廉廉早稻纔遮畝芒粒稀疎熟更輕

地與上

一作禾頭

不相拄我來愁築心如堵更聽農夫夜

深語凶年是物即為災百陣野亮千穴鼠平明抱杖入

田中十穗蕭條然

一作九穗空

敢言一歲困倉實不了如

一作而 今朝暮春天職誰司下民籍苟有區區一作分宜耕

耕即折字本作耕耘意若何蟲豸兼教食人食古者為邦

須蓄積魯饑尚責如齊糴今之為政異當時一任流離

恣徵索平生幸一作早遇華陽客向日餐霞轉一作亦肥白

欲賣耕牛棄水田移家且一作直傍三茅宅

雨夜

屋小茅乾雨聲大自疑身著蓑衣卧似一作是孤舟小

泊時風吹折葦來相佐我有愁襟無可那纔成好夢剛

驚破背壁殘一作寒燈不及螢重挑却向燈前坐

食魚

江南春旱魚無澤歲晏未曾腥鼎鬲今朝有客賣鱸鮎  
手提見我長於尺呼兒春取紅蓮米輕重相當加十倍  
且作圖一作吳羹助早一作朝餐飽卧晴簷曝寒背橫戈負

羽正紛紛祇用驍雄不用文爭如曉夕謳吟樣好伴滄

洲白鳥羣

丁隱君歌

并序

隱君姓丁氏字翰之濟陽人也名飛舉讀老子莊周書善養生能鼓琴居錢塘龍泓洞之左右或曰憩館耳別業在深山中非得得行不可適到其下畜妻子事耕稼如常人余嘗南浮桐江途而詣龍泓憩館獲見綸巾布裘貌古而意澹好古文樂聞歌詩見待加厚因曰他時願為山中僕丁笑而不應問之年曰七十二當咸通丙午歲逮今十四年矣雷平道士葛參寥話與翰之熟至今齒髮不衰矣

氣力益壯疏繁導蒙灌溉剗削皆自執綆击斤斬  
輩升高望遠不翹履平地時時書細字作文紀事  
皆有楷法意義夜半山靜取琴彈之奏雅弄一二  
而已少睡寡言語與人相接禮簡而情至周旋累  
年未嘗有罷倦之色不唯疾病也非養生之效歟  
又不見其有所服餌或問之對曰治心修身之外  
復有何物予始嘉其遯世又聞其老而益精又悅  
其治心修身之說孔子所謂樂而壽者斯人也歟

既樂而壽則仁智充乎其內充乎其內者非有德  
者歟有德而不耀於世者非隱君子歟乃作丁隱  
君歌以寄其聲云

華陽道士南遊歸手中半卷青蘿衣

一作皮

自言逋客持

贈我乃是錢塘丁翰之連江

一作天

大抵多奇岫獨話君

家最奇秀盤燒天竺春筍肥琴倚洞庭秋石瘦草堂暗

引龍泓溜老樹根株若蹲獸霜濃果熟未容收往往兒

童雜猿狖去歲猖狂有黃寇官軍解

一作駭

散無人鬪滿

城奔逆翰之間只把枯松塞主竇前度相逢正賣文一  
錢不直虛云云今來利作採樵客可以拋身麋鹿羣丁  
隱君丁隱君叩一作昂頭且莫變名氏即日更尋丁隱君

昂

頭且莫變名氏

即日更尋丁隱君

紫溪翁歌

紫溪翁過甫里先生舉酒相屬醉而歌先生側弁而和之歌闋而去

一丘之木其栖深也屋吾容不辱一溪之石其居平也  
席吾勞以息一竇之泉其音清也弦吾方在懸得乎人  
得乎天吾不知所以然而然

## 賡歌

采江之魚兮朝船有鱸采江之蔬兮暮筐有蒲左圖且  
書右琴與壺壽歟天歟貴歟賤歟

鶴媒歌

偶繫漁舟一作江船汀樹枝因看射鳥令人悲盤空野鶴忽

然下背翳見媒心不疑媒閒靜立如無事清唳時時入

遙吹襄回未忍過南塘且應同聲就

一作與

同類梳翎宛

若相逢喜祇怕纔來又驚起窺鱗啄藻乍低昂立

一作注

定當胷流一矢媒歡舞躍勢離披似謠功能邀

一作腰

弩兒雲飛水宿各自物妬侶害羣猶爾為而一作何况世人間有名利外頭笑語中猜忌君不見荒陂野鶴陷良媒同類同聲真可畏

慶封宅古井行并序

春秋左氏傳云襄二十八年齊慶封亂而來奔既而齊人來讓奔吳吳句餘與之朱方聚族而居之富於其舊後七年荆人使屈申圍朱方執慶封而盡滅其族按圖經潤之城南一里則封所居之地

詢諸故老井尚存焉因覽其遺甃故歌之以志其惡

古甃團團鮮花碧鼎渫

一作瀆

寒泉深百尺江南戴白盡

能言此地曾為慶封宅慶封嗜酒荒齊政齊人剪族封

奔逆雖過魯國羞魯儒欲弄吳民竊吳柄吳分巖邑號

未方子家負固心彊梁澤車豪馬馳似水錦鳳玉龍森

若牆一朝雲夢圍兵至胷陷鋒鎚腦塗地因知富德不

富財顏氏簞瓢有深意宣父嘗違盜泉水懦夫立事貪

夫止今歌此井示吳人斷綆沉瓶自茲始

小雞山樵人歌

并序

小雞山在胥門外光福之西龜蒙歲入薪五千束  
於其山其供事之樵甿曰顧及乾符六年九月致  
薪二百五十責之曰何數廉而至晚得非赭吾山  
為汝之利耶與之酒繼之以歌

長其船兮利其斧輸予薪兮勿予侮田予登兮穀予庾  
突晨煙兮蓬縷縷窓有明兮編有古飽而安兮惟編是

伍時不用兮吾無汝撫

吳俞兒舞歌

劎俞

枝月喉櫂霜脊北斗離離在寒碧龍魂清虎尾白秋照  
海心同一色蘚影吒沙干一作千影側神豪髮直四睨之

人股佶栗欲定不定定不得春牘殘兒且止狄胡有膽  
大如山怖亦死

矛俞

手盤風頭背分電光戰扇欲刺敲心留半綫纏肩繞脰  
襟合眩旋卓植赴列奪避中節前衝凶禮穴上指掌彗  
滅與君一用來有截

弩俞

牛來開弦人為置鍛拔機闢迸山谷鹿駭澀隼擊遲析  
毫中睫洞腋分龜達堅壘殘雄師可以冠猛樂壯曲抑  
揚蹈厲有裂犀兕之氣者非公與

句曲山朝真詞二首并序

歲三月十八日句曲山道士朝真於大茅峰上學  
神仙有至自千萬里者余距華陽洞天程止信宿  
塵約不能遂去馳神旦旦忽若載昇矣因作朝真  
詞迎送各二解以自塞意

迎真

九華磬答寒泉急十絕幡搖翠微濕司命旛旌未下來  
焚香抱簡凝神立殘星下照霓襟冷缺月纔分鶴輪影  
空洞靈章發一聲春來萬壑煙花醒

送真

紫雲鳳髻飄然解玉鉞玄干儼先邁朝真弟子悄無言  
再拜碧杯添沆瀣火靈跳躍龍毛蓋腦髮青青縠絰絰  
萬象銷沈一瞬間空餘月外聞殘佩

戰秋辭

八月空堂前臨隙荒抽關散扇晨烏未光左右物態森  
踈強梁天隨子與驟恂慄恍恍軍庸之我當寥然而溝壘  
然而牆鱗然而桂隊然而篁杉嶢攢矛蕉標建常槁艾

矢東矯蔓弦張鼈合助吹鳥分啟行若革進而金止固

違陰而就陽無何雲顏師風首

一作伯蒼茫慘一作澹日

瞻

隳危撼畫煙蒙上焚雨陣下棘如濠者注如壘者闢如  
轂者亞如隊者析如矛者折如常者拆如矢者仆如弦

者磔如吹者瘞如行者惕石有髮兮盡繫木有耳兮咸

馘一作木具耳而盛馘雲風雨煙乘勝之勢驕杉篁蕉蔓敗北之

氣撼天隨子曰吁秋無神則已如其有神吾為爾羞之

南北畿圻盜興五朞方州大都虎節龍旗瓦解冰碎瓦

分豆離斧抵耋老干

一作戈

穿乳兒昨字今燼朝人墓尸

萬犧一啗千倉一炊擾踐邊朔殲傷蠻夷制質守帥披

攘城池弓効不利甲綴不離兜渠歌笑

一作兜

嘯歌裂地無

疑天有四序秋為司刑少昊負辰親朝百靈蓐收相臣

太白將星可霾可電可風可霆可壘溺顛陷可天札迷

冥曾忘

一作無

廬剪自意澄寧苟蜡禮之云責觸天怒而

誰丁奈何欺荒庭凌壞砌

一作撤

崇茝批宿蕙揭編茅

而逞力斷緯蕭而作勢不過約弱欹垂戕殘廢替可謂

棄其本而趨其末捨其大而從其細也辭猶未已色若  
媿恥於是墮者止偃者起

祝牛宮辭并序

冬十月耕牛為寒築宮納而臯之建之前日老農  
請乞靈於土官以從鄉教予勉之而為之辭

四犧三牲中一去乳天霜降寒納此室處老農拘拘度  
地不畝東西幾何七舉其武南北幾何丈二加五偶楹  
當閑載尺入土太歲在亥餘不足數上締蓬茅下遠官

府耕耨以時飲食得所或寢或卧免風免雨宜爾子孫  
實我倉廩

迎潮送潮辭并序

余耕稼所在松江南旁田廬門外有溝通浦澈而  
朝夕之潮至焉天弗雨則軋而留之用以滌濯灌  
溉及物之功甚鉅其羸壯遲速繫望晦盈虛也用  
之則順而進捨之則默而退有類乎君子之道覩  
而感之作迎潮送潮詞二首聊寄聲於騷人之末

迎潮

江霜嚴兮楓葉丹潮聲高兮墟落寒鷗巢卑兮漁箔一作箔

箱短遠岸沒兮光爛爛潮之德兮無際既充其大兮又

充其細密幽人兮欵柴門寂寞流連兮依稀舊痕濡腴

餘一作澤槁兮潮之恩不尸其功兮歸於混元

送潮

潮西來兮又東下日染中流兮紅灑灑汀葭蒼兮嶼蓼  
枯風騷牢兮愁煙孤大幾望兮微將晦翳晚瀛溶兮歛

然而退愛長波兮數數一幅巾兮無纓可濯帆生塵兮  
櫟有衣帳潮之還兮吾猶未歸

問吳宮辭

并序

甫里之鄉曰吳宮在長洲苑東南五十里非夫差  
所幸之別館耶披圖籍不見其說詢故老不得其  
地其名存其跡滅悵然興懷古之思作問吳宮辭

云

彼吳之宮兮江之鄉涯複道盤兮當高且斜波搖疏兮

霧濛濛箇菡萏國兮鴛鴦家鸞之蕭兮蛟之瑟駢筠參差  
兮界絲密讌曲房兮上初日月落星稀兮歌酣未畢越  
山叢叢兮越溪疾美人雄劍兮相先後出火姑蘇兮沼  
長洲此宮之麗人兮留乎不留霜氣重兮孤榜曉遠樹  
扶蘇兮愁煙悄渺欲摭愁煙兮問故基又恐愁煙兮推

白鳥

欽定四庫全書  
欽定全唐詩卷一萬八千二十七

集部

御定全唐詩卷六百二十二

陸龜蒙

螢詩

肖翹雖振羽戚促盡疑冰風助流還急煙遮點漸一作暫

凝不須輕列一作別宿纔可擬一作亂孤燈莫倚隋家事曾

煩下詔徵

蟬

祇憑風作使全仰柳為都一腹清何甚雙銅薄更無伴  
貶金換酒一作置影并雀畫成圖恐是千年恨偏令落日呼

秋熱

自惜秋捐扇今來意未衰慙慙付柔握淅瀝待清吹午  
氣朱崖近宵聲白羽隨總如南國候無復婕妤悲

村中晚望

抱杖柴門立江村日易斜鴈寒猶憶侶人病更離家短  
鬢看成雪雙眸舊有花何須萬一作千里外即此是天涯

四明山詩并序

謝遺塵者有道之士也嘗隱於四明之南雷一旦  
訪予來語不及世務且曰吾得於玉泉生知子性  
誕逸樂神仙中書探海岳遺事以期方外之交雖  
銅牆鬼炊虎獄劍餌無不窺也已上八言謝語不知所謂者何一云

出隱中書今為子語吾山之奇者有峰最高四穴在峰

上每天地澄霽望之如牖戶相傳謂之石窓即四  
明之目也山中有雲不絕者二十里民皆家雲之

南北每相從謂之過雲有鹿亭有樊榭有潺湲洞  
木實有青襦子味極甘而堅不可卒破有猿山家  
謂之鞠侯其他在圖籍不足道也凡此佳處各為  
我賦詩予因作九題題四十字謝省之曰玉泉生  
真不誣矣好事者為予傳之因呈襲美

石窓

石窓何處見萬仞倚晴虛積靄迷青瑣殘霞動綺疏山  
應列圓嶠宮便接方諸祇有三奔客時來教隱書

過雲

相訪一程雲雲深路僅分  
嚼臺隨日辨樵斧帶風聞曉  
著衣全濕寒衝酒不醺幾回歸思靜  
髡髮見蘇君

雲南

雲南更有溪丹礫盡無泥藥有巴賓賣枝多  
越鳥啼夜清先月午秋近少嵐迷若得山顏住芝  
差手自攜

雲北

雲北是陽川人家洞壑連壇當星斗下樓搜翠微邊一

半遙峰雨三條古井煙金庭如有路應到左神天

鹿亭

鹿亭巖下置一作坐時領白麝過草細眠應久泉香飲自

多認聲來月塢尋跡到煙蘿早晚吞金液騎將上絳河

樊榭

樊榭何年葬人應白日飛至今山客說時駕玉麟歸乳  
帶緣松嫩芝臺出石微憑欄虛目斷不見羽華衣

潺湲洞

石淺洞門深潺潺萬古音似吹雙羽管如奏落霞琴倒  
穴漂龍沫穿松濺鶴襟何人乘月弄應作上清吟

青襦子

山寶號青襦環岡次第生外形堅綠殼中味敵璫英墮  
石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明但為連臂飲不作斷腸聲野  
蔓垂纓細寒泉佩玉清滿林遊宦子誰為作君卿

奉和襲美贈魏處士五貺詩

五瀉舟

樣自桐川得詞因隱地成好漁翁亦喜新白鳥還驚沙  
際擁江沫渡頭橫雨聲尚應嫌越相遺禍不遺名

華頂杖

萬古陰崖雪靈根不為枯瘦於霜鶴脰奇似黑龍鬚拄  
訪譚玄客持看潑墨圖湖雲如有路兼可到仙都

太湖硯

誰截小秋灘間窺四緒寃繞為千嶂遠深置一潭寒坐  
久雲應出詩成墨未乾不知新博物何處擬重刊

烏龍養和

養和名字好偏寄道情深所以親逋客兼能助五禽倚  
肩滄海望鉤膝白雲吟不是逍遙侶誰知世外心

訶陵尊

魚骼近成尊猶殘海浪痕外堪欺玳瑁中可酌崑崙  
水繞苔磯曲山當草閣門此中醒復醉何必問乾坤

酒名

奉酬襲美早春病中書事

祇貪詩調苦不計病容生我亦休文瘦君能叔寶清藥  
須勤一服春莫累多情欲入毘耶問無人敵淨名

又酬次韻

從來多遠思尤向靜中生所以令心苦還應是骨清酒  
香偏入夢花落又關情積此風流事爭無後世名

奉酬襲美秋晚見題二首

為愛晚窓明門前亦嬾行圖書看得熟鄰里見還生鳥

啄琴材響僧傳藥味精緣君多古思攜手上空城

何事樂漁樵巾車或倚櫂和詩盈古篋賒酒半寒瓢失  
雨園蔬赤無風艸葉彫清言一相遺吾道未全消

奉和襲美初冬草上人院

每伴來方丈還如到四禪菊承荒砌露茶待遠山泉畫  
古全無跡林寒却有煙相看吟未竟金磬已泠然

襲美見題郊居十首因次韻酬之以伸榮謝

近來唯樂靜移傍故城居閒打修琴料時封謝藥書夜

停江上鳥晴麗漢中魚出亦圖何事無勞置棧車

倩人醫病樹看僕補衡茅散髮還同阮無心敢慕巢簡

便書露竹尊待破霜匏日好林間坐煙蘿近一作僅欲交

倭僧留海紙山匠製雲牀嬾外應無敵貧中直是王池

平鷗思喜花盡蝶情忙欲問新秋計菱絲一畝強

故山空自擲當路竟誰知祇有經時策全無養拙資病

深憐炙客炊晚信樵兒謾欲陳風俗周官未採詩

福地能容壘玄闡詎有扉靜思瓊版字閒洗鐵笏衣鳥

破涼煙下人衝暮雨歸故園秋草夢猶記綠微微

水影沈魚器鄰聲動緯車燕輕捎墜葉蜂嬾卧樵花說  
史評諸例論兵到百家明時如不用歸去種桑麻

禹穴奇編缺雷平異境殘靜吟封錄檢歸興削帆竿白  
石堪為飯青蘿好作冠幾時當斗柄同上步罝壇

強起披衣坐徐行處暑天上階來鬪雀移樹去驚蟬莫  
問鹽車駿誰看醬瓿玄黃金如可化相近買雲泉

野入青蕪巷波侵白竹門風高開栗刺沙淺露芹根迸

鼠緣藤折飢烏立石盆東吳雖不改誰是武王孫  
疎慵真有素時勢盡無能風月雖為敵林泉幸未憎酒  
材經夏闕詩債待秋徵祇有君同癖閒來對曲肱

和張廣文貢旅泊吳門次韻

高秋能叩觸天籟忽成文苦調雖潛倚靈音自絕羣茅  
峰曾蘸斗笠澤久眠雲許伴山中躅三年住一醺

又次前韻酬廣文

獨倚秋光岸風漪學簾文玄堪教鳳集書好換鶯羣葉

墮平臺月香消古徑雲強歌非白紵聊以送餘醺

送延陵張宰

春盡未離闕之官亦似閒不嫌請薄俸為喜帶名山默

禱三真後高吟十字還

季子有仲尼所書十字碑

祇應江上鳥時下

訟庭間

送人罷官歸茅山

呼僮曉拂鞍歸上大茅端薄俸雖休入明霞自足餐暗  
霜松粒赤疎雨草堂寒又鑿中峰石重修醮月壇

立春日

去年花落時題作送春詩自為重相見應無今日悲道  
孤違識寡身病買名遲一夜東風起開簾不敢窺

中秋夜寄友生

秋來一度滿重見色難齊獨坐猶過午同吟不到西疎  
芒唯斗在殘白合河迷更憶前年望孤舟泊大溪

欽定四庫全書  
欽定全唐詩卷一萬八千二十八集部

御定全唐詩卷六百二十三

陸龜蒙

奉和襲美古杉三十韻

衆木盡相遺孤芳

一作  
杉

獨任奇鋤天形肆兀當殿勢敶

危恐是夸娥怒教臨截薛

衰節穿開耳目根瘦坐熊羆

世只論榮落人誰問等衰

初危切

有顛從日上無葉與秋

欺虎搏鷹難動鵠蹲不敢遲

戰鋒新缺齧燒岸黑點蠶

鬪死龍骸雜爭奔鹿角差肢

一作肢

銷洪水腦稜聳梵天

看礫索珊瑚湧森嚴獵豸窺向空分擎指衝浪出鯨鬚

楊僕船橦在蚩尤陣纛隣下連金粟固高用鐵菱披挺

若苻堅檮浮於祖納椎嶠嶭驚露鶴趨闕雲螭傍宇

將支壓撐霄欲抵巇背文蟲臂揭相向鶻拳追格

音筆

茅初加切猶立階干卓未麾鬼神應暗畫風雨恐潛移已

覺寒松伏偏宜后土疲好邀清嘯傲堪映古茅茨材大

應容竭年深必孕夔後雕依佛氏初植必僧彌

寺即東晉王家

別墅僧彌擁腫煩莊辯槎牙費庾詞詠多靈府困搜苦  
化權卑類既區中寡朋當物外推蟠桃標日域珠草侍  
仙墀真宰誠求夢春工幸可醫若能虛嶰竹猶足動華  
滋

奉和襲美新秋言懷三十韻次韻

身閒唯愛靜籬外是荒郊地僻憐同巷庭喧厭累巢岸  
聲搖舴艋窓影辨螭蜎徑祇溪禽下闢唯野客敲竹岡  
從古凸池綠本來顚早蘋擎霜節涼花束紫梢漁情隨

鍾網獵興起鳴骹好夢經年說名方著處抄才一作木疎

惟自補技癢欲誰抓窓靜常懸鞬鞬間不正鞘山衣輕

斧藻天籟逸弦匏蕙轉

一作展

風前帶桃烘雨後膠鱗乾

黏晚砌煙濕動晨庖沈約便圖藉揚雄重酒肴目曾窺

絕洞耳不犯征鐃歷外窮飛朔著中記伏爻石林空寂

歷雲肆宵曉詭松桂何妨蠹龜龍亦任嘲未能丹作體

誰相紫為胞莫把榮枯異但聲和大小包由弓猿不捷

梁園虎忘麌舊友懷三益關山阻二崤道隨書麓古時

共釣輪拋好作忘機士須為莫逆交看君馳諫草憐我  
卧衡茅出處雖冥默薰蕕冒溷散岸沙從竊印崖蜜勸  
人攘白齒盈枯耕黃精滿綠筭仙因隱居信禪是淨名  
教勿謂江湖水終浮一大砲一作泡

和襲美江南書情二十韻寄祕閣韋校書貽之

商洛宋先輩垂文二同年次韻

我志如魚樂君詞稱鳳銜暫來從露冕何事買雲巖水  
石應容病松篁未聽讒罐一作罐香松蠹膩山信藥苗緘

愛鷺欹危立思猿戛戛謝才偏許眺阮放最憐咸大  
樂寧忘岳奇工肩顧瑣客愁迷舊隱鷹健想秋毫硯缺  
猶慵琢文繁却要芟雨餘幽沼淨霞散遠峰嶺洗筆煙  
成段培花土作坎訪僧還覓伴醫鶴自須監荒廟猶懷  
季清灘幾夢嚴背風開蠹簡衝浪試新帆悶憶年支酒  
閒裁古樣衫釣家隨野舫仙蘊逐雕函度歲賒羸馬先  
春買小城共疏泉入竹同坐月過衫染翰窮高致懷賢  
發至誠不堪潘子鬢愁促易彭彭

憶襲美洞庭觀步奉和次韻

聞君遊靜境雅具更搊搊竹傘遮雲徑藤蹊踏蘚矼杖  
斑花不一尊大癭成雙水鳥行沙嶼山僧禮石幢已甘  
三秀味誰念百牢腔遠棹投何處殘陽到幾窓仙謠珠  
樹曲村餉白醅釀地里方吳會人風似冉厖探幽非遯  
世尋勝宦迷邦為讀江南傳何賢過二龐

江墅言懷

病身兼稚子田舍劣相容跡共公卿絕貧須稼穡供月

方行一作行方到閨霜始近言

一作來

濃樹少棲禽雜村狐守

犬重汀洲藏晚弋籬落露寒春野弁欹還整家書拆又

封杉篁宜夕照窓戶倚疎鐘南北唯聞戰縱橫未勝農

大春雖苦學叔夜本多慵直使貂裘弊猶

一作還

堪過一

冬

自和次前韻

命既時相背才非世所容著書糧易絕多病藥難供夢  
為懷山數愁因戒一作忌酒濃鳥媒呈不一魚寨下仍重

晚折蓑兼褐晴簷織帶春著籤分水味標石認田封此  
地家三戶何人祿萬鍾草堂聊當貴金穴任輕農把釣  
竿初冷題詩筆未慵莫憂寒事晚江上少嚴冬

秋日遣懷十六韻寄道侶

盡日臨風坐雄詞妙略兼共知時世薄寧恨歲華淹且  
把靈方試休憑吉夢占夜然燒秉火朝煉洗金鹽有路  
求真隱無媒舉孝廉自然成嘯傲不是學沈潛水恨同  
心隔霜愁兩鬢霑鶴屏憐掩扇烏帽愛垂簷雅調宜觀

樂清才稱典籤冠敍玄髮少書健紫毫尖故疾因秋名  
塵容畏日黑壯圖須行行儒服謾襜襜片石聊當枕橫  
煙欲代簾蠹根延穴蟻疎葉漏庭蟾藥鼎高低鑄雲菴  
早晚苦胡麻如重寄從謂我無厭

京口與友生話別

共是悲秋客相逢恨不堪鴈頻辭鮚北人尚在江南名  
利機初發樵漁事先諳松門穿戴寺荷徑繞秦潭秦潭始皇  
所繩檢真難束疎慵却易耽枕當高樹穩茶試遠泉甘  
開

架上經唯一尊前雅祇三風雲勞夢想天地入醺酣歷  
自堯階數書因禹穴探御龍雖世祿下馬亦清譚國計  
徒盈策家儲不滿甌斷簾從燕出啟弁請一作人簪木  
墜涼來葉山橫霧後嵐竹窓深尋篠苔洞綠龕弇積行  
依顏子和光則老聃杖誠為虎節披一作被信作鮫函養  
鷺看窺沼尋僧助結菴功名思馬援歌唱咽羊曇乞食  
羞孤鳳無衣羨八蠶繫帆留宿客吟句任羸驂寵鶴空  
無衛占烏未見鄆香還須是桂青會出於藍蜀酒時傾

詭吳鯷徧

一作發甘

苦切

玉封干挺蘿霜閑一筒柑惜

佩終邀禍辭環好激貪宗溟雖畊滄成夏必梗柂碧玉  
雕琴薦黃金飾劍鐸煙緣莎砌引水為藥畦擔博物君  
能繼多才我尚慙別離猶得在秋鬢未鬢鬢

丹陽道中寄友生

煙樹綠微微春流浸竹扉短蓑攜稚去孤艇載魚歸海  
俗蘆編室村娃練束衣舊裁奴橘老新刈女桑肥錦鯉  
衝風擲絲禽掠浪飛短亭幽徑入陳廟數峰圍地廢金

牛暗陵荒石獸稀思君同一望帆上怨餘暉

寄茅山何道士

終身持玉鳥丹訣未應傳況是曾同宿相違便隔年問  
顏知更少聽話想踰玄古錄文垂露新金汞絕煙蜂供  
和餌蜜人寄買溪錢紫燕長巢硐青龜忽上蓮蓬藏微  
隱詔囊佩攝生篇圃暖芝臺秀巖春乳管圓池栖子孫  
鶴堂宿弟兄仙幸閱靈書次心期賜一編

江南秋懷寄華陽山人

櫛髮涼天曙含毫故國情歸心一夜極病體九秋輕忽  
起簷諭詠因悲絡緯鳴逢山即堪隱何路可圖榮操策  
空占命持竿不釣名忘憂如有待縱嬾似無營小徑纔  
分草斜扉劣辨一作辨荆冷荷承露菂疎菊卧煙莖譜為  
聽琴閱圖緣看海燈一作竈鶩毛浮島白魚尾撇波賴庭  
橘低攀嗅園葵旋折烹餓鳥窺食案鬪鼠落書棚種豆  
悲楊惲投瓜憶衛蒼東林誰處士南郭自先生分野星  
多蹇連山卦少亨衣裾徒博大文籍漫縱橫蘭葉騷人

佩尊絲內史羹鴟冠難適越羊酪未饒儉倚嘯微抽恨  
論玄好析醒栖遲勞鼓蓬豪俠愛金瀛鍊藥傳丹鼎嘗  
茶試石甄沼連枯葦暗窓對脫梧明未達譏張翰非才  
嫉禰衡遠懷魂易黯幽憤骨堪驚礪缺知矛利磨瑕見  
辟瑛道源疏滴瀝儒肆售精誠敢歎良時擲猶勝亂世  
櫻相秦猶幾死王漢尚當點飲啄期應定窮通勢莫爭  
髡鉗為皂隸譚笑得公卿浴日安知量追風不計程塵  
埃張耳分肝膽季心傾諭蜀專操檄通甌獨請纓匹夫

能曲踊萬騎可橫行許國輕妻子防邊重戰耕俄分上  
尊酒驟厭五侯鯖靜默供三語從容等一枰弘深司馬  
法雄傑貳師兵朔雪埋烽燧寒笳裂旆旌乘時收句注  
即日埽櫬槍武昔威殊俗文今被八紘琮璜陳始畢韶  
夏教初成茅孽羣妖滅松筠百度貞郎官青瑣拜使者  
繡衣迎帝道將雲闢澆波漸砥平學徒羞說霸佳士恥  
為跼負杖歌栖畝操觚賦北征才當曹斗怯書比惠車  
盈謝氏憐兒女郗家貴舅甥唯荒稚珪宅莫贈景山鎗

賢彥風流遠江湖思緒縈謳啞搖舟船出沒漾鶴鵠晚  
樹參差碧奇峰遙迤晴水喧撝紫炎村響渺香杭荷笠  
漁翁古穿蘿守犬磼公衫白紵卷田餉綠筍擎地與膏  
腴錯人多富壽并相歡時帖泰獨坐歲峥嵘唧噴蛩吟  
辟連軒鶯舞楹戌風飄疊鼓鄰月動哀箏未得文章力  
何由俸祿請和鉛還搢搢持斧自丁丁驚懼疑凋朽功  
勤過屑瓊凝神披夕秀盡力取朝英蠹簡開塵篋寒燈  
立曉檠靜翻詞客系閒難史官評天地寧舒慘山川自

變更祇能分跖惠誰解等殤彭項豈重瞳聖夔猶一足  
轡阮高酣麴蘖莊達謝犧牲辭舌無勞話寃心豈可咸  
但從鑪冶鍛莫受蔚羅嬰硯撥萍根洗舟衝蓼穗撐短  
床編翠竹低机一作几凭紅檉霜信催楊柳煙容裏杜蘅  
桺排巢燕燕屏畫醉猩猩嬾檜推嵐影飛泉撼玉琤龍  
舸尋遠近握槊鬪輸贏枝壓離披瓠簷垂礪石橙忘情  
及宗炳抱疾過劉楨野饋夸菰飯江商賈蔗餠送神袍  
瓦釜留客上淹觥舉榼揮青劍鳴榔扣遠鉦鳥行沈莽

碧

一作蒼

魚隊破泓澄手戟非吾事腰鎌且發硎諒難求

標標聊欲取錚錚幾歎蟲甘蓼還思鹿美革愁長難自剪歌斷有誰廩未去師黄石空能說白珩性湍休激浪言芳罷抽萌地僻琴尊獨溪寒杖屢清物齊消臆對戈倒共心盟絲曳靈妃瑟金涵太子笙幽棲膠竹鳩仙慮驛蓬瀛想像珠襦鳳追飛翠藥鶯霧簾深杳悄雲磬冷敲鏗錄字多階品華陽足弟兄焚香凝一室盡日思層城匿景崦嵫色呀空渤海聲吾當營巨黍東去射長鯨

送宣武從事越中按獄

曉看呈使範知欲救星軺水國難驅傳山城便倚橈秉  
籌先獨立持法稱高標旌旆臨危堞金絲發麗譙別愁  
當翠峽空望隔風潮木落孤帆迥江寒疊鼓飄客鴻吳  
島盡殘雪剡汀消坐想休秦獄春應到柳條

江南冬至和人懷洛下

昔居清洛涯長恨苦寒遲自作江南客稀遲下雪時有  
煙栖菊梗無凍落杉枝背日能尋徑臨風尚覆慕鳥聲

渾欲轉草色固應知與看平湖上東流或片澌

謹和諫議罷郡叙懷六韻

已報東吳政初捐左契歸天應酬苦節人不犯寒威江  
上思重借朝端望載饑紫泥封夜詔金殿賜春衣對酒  
情何遠裁詩思極微待升鎔造日江海問漁扉

御定全唐詩卷六百二十三

謹案卷六百二十二第三頁後七行乳帶緣松嫩

按甫里集緣作懸

卷六百二十三第九頁前六行何由俸祿請按甫  
里集請作清

欽定四庫全書

總校官庶吉士臣張能照

校對官檢討臣郭寅

謄錄監生臣陳熙



欽定四庫全書會要

集部

御定全唐詩卷六百三十一

四至七

詳校官原任主事臣李斯咏

欽定四庫全書  
唐詩一萬八千二十九集部

御定全唐詩卷六百二十四

陸龜蒙

二遺詩 幷序

二遺者何石枕材琴薦也石者何松之所化也松

者一作化於何越之東陽也東陽多名山就中金華為

最枝峰蔓壑秀氣磅礴者數百里不啻神仙登臨  
草木芬怪永康之地亦蟬聯其間中饒古松往往

化而為石盤根大柯文理曲折盡為好事者得一  
攻而致於人間以為耳目之異太山羊振文得枕  
村趙郡李中秀得琴薦皆茲石也咸以遺予予以  
二遺之奇聊賦詩以謝

誰從毫末見參天又到蒼蒼化石年萬古清風吹作籟  
一條寒溜滴一作滌成穿川一作川閑追金帶徒勞恨靜格朱  
絲更一作一可憐幸與野人俱一作散誕不煩良匠更雕  
鐫

鷓鴣并序

客有過震澤得

一作尋

水鳥所謂鷄鴣者貺予黑襟

青脰碧爪丹

一作嚼  
嚼丹

爪色幾及項質甚高而意甚

卑

一作草

戚畏人予極哀其野逸性又非以能招累

者而囚錄籠檻逼迫窓戶俛啄仰飲為活大不快  
真天地之窮鳥也為之賦詩擬好事者和

詞賦曾誇鸚鵡流果為名誤別滄洲雖蒙靜置疎籠晚  
不似閒栖折葦秋自昔稻粱高鳥畏至今珪組野人讐

防微避繳釣

一作無窮事好與裁書

一作詩

謝白鷗

新秋月夕客有自遠相尋者作吳體二首以贈

風初寥寥月乍滿杉篁左右供

一作有

餘清因君一話故

山事憶鶴互應深溪聲雲門老僧定未起白閣道士遙

相迎日聞

一作世間羽檄

日夜急

一作至

掉臂欲歸巖下行

驚聞遠客訪良夜扶病起坐綸巾欹清談白紵思悄悄

玉繩銀漢光離離三吳煙霧且如此百越琛賈來何時

林端片月落未落強慰別情言後期

閒書

病學高僧置一牀披衣纔暇即焚香間階雨過苔花潤  
小簾風來蓮葉涼南國羽書催部曲時黃巢圍廣州告急東山毛  
褐傲羲皇升平聞人一作道無時節試問中林亦不妨

獨夜

新秋霽夜有清境窮檐一作檐病客無佳期生公把經向  
石說而我對月須人為獨行獨坐亦獨酌獨玩獨吟還  
獨悲古稱獨坐與獨立若比羣居終較竒

寄吳融

一夜秋聲入井桐，數枝危綠怕西風。  
霏霏晚砌煙華上，淅淅疎簾雨氣。

一作欲

通君整

一作隱

輪蹄名未了，我依琴

一作雲鶴病相攻到頭江畔從漁事織作中流萬尺。

一作足

簫

中秋待月

轉缺霜輪上，轉遲好風偏似送佳期。  
簾斜樹隔情無限，燭暗香。

一作花殘坐不辭最愛笙調聞。北里漸看星澹失。

南箕何人為校清涼力未似欲減初圓欲一作及午時

重憶白菊一本作二絕句

我憐貞白重寒芳前後叢生夾小堂月一作霜  
采暮一作併

開無絕豔風莖時動有奇香何慙謝雪清才一作中情詠不

羨劉梅貴主一作色妝更憶幽窓凝一夢一作望夜來村落

一作月有微霜

別墅懷歸

水國初冬和暖天南榮方好背陽眠題詩朝憶復暮憶

見月上弦還下弦遙為晚花吟白菊近炊香稻識紅蓮  
何人授我黃金百買取蘇君負郭田

寄淮南鄭一作寶 寶書記

記室千年翰墨孤唯君才學似應徐五丁驅得神功盡  
二酉搜來祕檢疎煬帝帆牆留澤國淮王牋奏入班書  
清詞醉草無因人一作見但釣寒江半尺鱸

小雪後書事

時候頻過小雪天江南寒色未曾多一作多 偏楓汀尚憶逢

人別麥龍唯應

一作憑

欠雉眠更擬結茅臨水次偶因行

藥到村前鄰翁意緒相安慰多

一作曾

說明年是稔年

寒夜同襲美訪北禪院寂上人

月樓風殿靜沈沈披拂霜華訪道林鳥在寒枝棲影動  
人依古堞坐禪深明時尚阻青雲步半夜猶追白石吟  
自是海邊鷗伴侶不勞金偈更降心

和襲美江南道中懷茅山廣文南陽博士三首

次韻

一片輕帆背夕陽望三峰拜七真堂

三茅二許一楊天  
一部是為七真

寒夜漱雲牙淨雪壞晴梳石髮香自拂煙霞安筆格獨  
開封檢試砂牀莫言洞府能招隱會輾颺輪見玉皇

壺中行坐可攜天何況一作向林間息萬緣組綬任垂三

品石佩環從落四公泉丹臺已運陰陽火一作氣碧簡須

雕一作調次第仙廣文三年猶在場中想得雷平春色動五

一作玉芝

煙甲一作又芊眠

良常應不動移文金醴從酸亦自醺蓬萊公洛廣文以  
金醴四升待主簿

主薄恨  
其味酸

桂父舊歌飛絳雪桐孫新一作遺

韻倚玄雲春臨

柳谷鶯先覺曙熏蕪香

一作靈蕪

鶴共聞珍重雙雙玉條脫

盡憑三島寄羊君

早春雪中作吳體寄襲美

迎春避臘不宵下欺花凍草還飄然光填馬窟蓋塞外  
勢壓鶴巢偏殿巔山爐癢節萬狀火墨突乾袁孤穗煙  
君披鶴氅獨立何人解道真神仙

奉和襲美吳中言情見寄次韻

菰煙蘆雪是儂鄉釣線隨身好坐忘徒愛右軍遺點畫  
閒披左氏得膏肓無因月殿聞移牒祇有風汀去採香  
莫問江邊漁艇子玉皇看賜羽衣裳

和襲美揚州看辛夷花次韻

柳疎梅墮少春叢天遣花神別致功高處朵稀難避日  
動時枝弱易為風堪將亂葉添雲肆若得千株一作枝便  
雪宮不待羣芳應有意等閒桃杏即爭紅

奉和襲美行次野梅次韻

飛櫂參差拂早梅，強欺寒色尚低徊。  
風憐薄媚留香與，月會深情借靨開。

梁殿得非蕭帝瑞，齊宮應是玉兒媒。

一作剛添萬恨來

奉和襲美暇日獨處見寄

謝府殷樓少暇時，又拋清宴入書帷。  
三千餘歲上下古，

八十一家文字奇

司馬遷書上下紀三千餘歲  
太玄有八十一家率多奇字

冷夢漢

臯懷鹿隱靜，憐煙島覺鴻離。  
知君滿篋前朝事，鳳諾龍

奴借與窺

奉和襲美見訪不遇

為愁煙岸老塵囂扶病呼兒斲翠茗紙道府中持簡牘  
不知林下訪漁樵花盤小撥晴初壓葉擁疎籬凍未燒  
倚杖徧吟春照午一池冰段幾多消

酬襲美見寄海蟹

藥杯應阻蟹螯香却乞江邊採捕郎自是揚雄知郭索  
太玄經云且非何屑敢餰餧何屑侈於食味稍欲去骨蟹之郭索其甚者猶有鮓腊糟蟹  
清猶似含春靄沫白還疑帶海霜強作南朝風雅客夜

來偷醉早梅傍

奉和襲美開元寺客省早景即事次韻

日上罘罳影紅一聲清梵萬緣空  
灑徯滿地具多雪

料峭入樓于闐風水榭初抽寥次思  
竹窓猶挂夢魂中

靈香散盡禪家接誰共殷源小品同

辨正論亦有九流  
一曰禪家者流殷

浩讀小品經下二百  
籤疑義以問支道林

獨夜有懷因作吳體寄襲美

人吟側景抱凍竹鶴夢缺月沈枯梧清澗無波鹿無魄

白雲有根虬有鬚雲虬澗鹿真逸調刀名錐利非良圖  
不然快作燕市飲笑撫肉枅磬眠酒壚

闔閭城北有賣花翁討春之士往往造焉因招  
襲美

故城邊有賣花翁水曲舟輕去盡通十畝芳菲為舊業  
一家煙雨是元功閒添藥品年年別笑指生涯樹樹紅  
若要見春歸處所不過攜手問東風

奉和襲美病中庭際海石榴花盛發見寄次韻

紫府真人餉露囊猗蘭燈燭未熒煌丹華乞曙先侵日  
金焰欺寒却照霜誰與佳名從海曲祇應芳裔出河陽  
那堪謝氏庭前見一段清香染郄郎

襲美以春橘見惠兼之雅篇因次韻酬謝

到春猶作九秋鮮應是親封白帝煙良玉有漿須讓味  
明珠無類亦羞圓堪居漢苑霜梨上合在仙家火棗前  
珍重更過三十子不堪分付野人邊王僧辯嘗為荆南  
得橘一帶三十子

以獻梁元帝

奉和襲美病中書情寄上崔諫議次韻

或偃虛齋或在公藹然林下昔賢風庭前有鍊爭煙藥  
簾外無人報水筒行藥不離深幌底時患眼疾寄書多向遠  
山中西園夜燭偏堪憶曾為題詩刻半紅

奉酬襲美病中見寄

逢花逢月便相招忽卧雲航一作疏隔野橋春恨與誰同  
酩酊玄言何處問逍遙題詩石上空迴筆拾蕙汀邊獨  
倚橈早晚却還巖下電有眼疾共尋芳徑結煙條

奉和襲美病孔雀

嬾移金翠傍簷楹斜倚芳叢舊態生唯奈

一作耐

瘴煙籠

飲啄可堪春雨滯飛鳴鶯鶯水畔迴頭羨豈寇圖前舉

眼驚爭得鷓鴣來伴

一作往

著不妨還校有心情

上元日道室焚修寄襲美

三清今日聚靈官玉刺齊抽謁廣寒孰蓋冒花香寂歷

侍晨交佩響闌珊

孰蓋侍晨皆仙之貴侶矣

將排鳳節分階易欲校

龍書下筆難唯有世塵中小兆夜來心拜七星壇

正月十五惜春寄襲美

六分春色一分休  
滿眼東波盡是愁  
花近凝寒應束手  
酒龍多病尚垂頭  
無窮嬾惰齊中散  
有底機謀敵右侯  
見織短蓬裁小襪  
擎煙閒弄箇漁舟

襲美病中聞余遊顏家園見寄次韻酬之

日華風蕙正交光  
鶡末相攜藉草塘  
鶡謝玄小字  
未謝川小字  
佳酒旋傾醕  
綠嫩短船閒弄木蘭香  
煙絲鳥拂來繁帶蘂  
人收去約黃  
今日好為聯句會不成  
剛為欠檀郎

春雨即事寄襲美

小謝輕埃日日飛

小謝詠雨詩有散漫似輕埃句

城邊江上阻春暉雖

愁野岸花房凍還得山家藥筍肥雙屐著頻看齒折敗  
裘披苦見毛稀比鄰釣叟無塵事灑笠鳴蓑夜半歸

奉和襲美抱疾杜門見寄次韻

雖失春城醉上期下帷裁徧未裁詩因吟郢岸百畝蕙  
欲采商崖三秀芝棲野鶴籠寬使織施山僧飯別教炊  
但醫沈約重瞳健不怕江花不滿枝

偶掇野蔬寄襲美有作

野園煙裏自幽尋嫩甲香蕤引漸深行歇每依鷁舅影  
挑頻時見鼠姑心凌風藹彩初攜籠帶露虛疎或貯襟  
欲助春盤還愛否不妨蕭灑似家林

奉和襲美卧疾感春見寄次韻

共尋花思極飛騰病帶春寒去未能煙徑天涯多好鳥  
竹牀蒲椅但高僧須知日富為神授祇有家貧免盜憎  
除却數函圖籍外更將何事結良朋

徐方平後聞赦因寄襲美

新春旒戾御輦軒海內初傳渙汗恩秦獄已收為厲氣  
瘴江初返未招魂英材盡作龍蛇蟄時停貢舉戰地多成虎  
豹村除却數般傷痛外不知何事及王孫

襲美以魚牋見寄因謝成篇

擣成霜粒細鱗鱗知作愁吟喜一作幸見分向日乍驚新  
繭色臨風時辨白萍文魚子曰好將花下承金粉堪送  
天邊詠碧雲見倚小窓親襲染盡圖春色寄夫君

次和襲美病後春思

氣和靈府漸氤氳酒有賢人藥有君七字篇章看月得  
百勞言語傍花聞閒尋古寺消晴日最憶深溪枕夜雲  
早晚共搖孤艇去紫屏風外碧波文

襲美以公齋小宴見招因代書寄之

早雲纔破漏春陽野客晨興喜又忙自與酌量煎藥水  
別教安置曬書牀依方釀酒愁遲去借樣裁巾怕索將  
唯待數般幽事了不妨還入少年場

京口

江千古渡傷離情斷山零落春潮平東風料峭客帆遠  
落葉夕陽天際明戰舸昔浮千騎去釣舟今載一翁輕  
可憐宋帝壽惟處蒼翠無煙草自生

潤州送人往長洲

秋來頻上向吳亭每上思歸意剩生廢苑池臺煙裏色  
夜村蓑笠雨中聲汀洲月下菱船疾楊柳風高酒旆輕  
君住松江多少日為嘗鱸鱠與蓴羹

潤州江口送人謁池陽衛郎中

山翁曾約舊交歡須拂侯門側注冠月在石頭搖戍角  
風生江口亞帆竿間隨野醉溪聲闊獨伴清譚曉色殘  
待取新秋歸更好九華蒼翠入樓寒

御定全唐詩卷六百二十四